



### **Sarajevo: Radionica o integralnom pristupu društvenoj zaštiti i inkluziji djece**

**Sarajevo, 5. 11. 2012.** - Federalno ministarstvo rada i socijalne politike i UNICEF organizuju seriju radionice o integralnom pristupu društvenoj zaštiti i inkluziji djece za predstavnike nadležnih kantonalnih ministarstava i institucija. Prva radionica će okupiti predstavnika Sarajevskog, Ze-Do i Bosansko-podrinjskog kantona.

Ciljevi ovih radionica su razmjena naučenih lekcija tokom implementacije Programa „Jačanje sistema društvene zaštite i inkluzije djece u BiH“ i ispitivanje modaliteta za širenje u svim kantonima u Federaciji. Učesnici će pokušati pronaći najefikasnije načine kako bi se podržale kantonalne vlasti u promociji društvene zaštite i inkluzije i kako bi se osigurala trajna međuresorna saradnja. Presentacija inovativnih pristupa koji su već provedeni u odabranim lokacijama, biće baza za diskusiju i razmijenu preporuka.

Tokom radionice, UNICEF i partneri će prezentirati okvirne politike vezane za rani rast i razvoj djece, te zaštitu djece bez roditeljskog staranja, kao i model institucionalizovanog treninga za škole, kako bi se osigurala njihova provedba na kantonalnom nivou.

Program "Jačanje sistema socijalne zaštite i inkluzije djece" je višegodišnji, multidisciplinarni program podrške pretprijetnom procesu Bosne i Hercegovine u oblastima sveukupne društvene zaštite, socijalne inkluzije i prava djeteta. Ciljne grupe programa su donosioci politika i stručni radnici koji provode reformu sistema socijalne zaštite, kao i ranjive kategorije djece i porodica. Evropska unija finansira ovaj projekat od 2008. godine iz Instrumenta za pretprijetnu pomoć (IPA) u iznosu od 4,1 miliona EUR, sa ciljem da pomogne u izgradnji sistema koji će osigurati adekvatnu politiku socijalne zaštite te socijalnu zaštitu i inkluziju djece i njihovih porodica.

U realizaciji projekta učestvuju sva nadležna ministarstva, te brojni partneri iz nevladinog sektora i civilnog društva.